

إبليس

لما كان الميدان
جنايين ورد
ارض الميدان طرحت بشر
ابليس اتحشر
وكأ نه ف وسطهم وردة
وكلمة الحرية اللي كانت
ف السما بتلاي
وقفت ف الحلق
مخنوقة ومعاندة
اطلع لمين
زمان قا لوا مفيش فايدة

اتفرق الولاد
سيف سا كن فوق رقاب العباد
بدل ما يتفتح باب
اتقفل الف باب
حتي السحابة
اللي كانت ف السما
اتبخرت من صهد العذاب
والحلم اللي كان
حاضن احلام السنين
طب انكسر
واتبعترت حوا ليه الحفر
والورد بقي د م
والهم انتشر
ابليس اتحشر

فرق التهم
وكل واحد تهمته علي ضهره
حتي ما بين اهله
بقي كلمة ف خبر